

Te Heheuraa Api

E ITE IÄ OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALESIA A IESU MESIA I TE FEIA MO'A
I TE MAU MAHANA HOPEA NEI

NENEIHIA I PAPEETE, TAHITI, I TE MAU AVA'E ATOA

Te hoo: E 30 faranz i te matahiti.

Nº 5

-- ME 1956 --

MAT. 43

"To Saula Haapao-ore-raa i te Atua"

(Samuela, 12 15'')

E piti matahiti i muri a'e i to Saula haamataraa i te faatere ia Iseraela, ua tama'i faahou atura ratou i te mau Philiseti. Ei reira, ua haaputuputu ihora te mau Philiseti i na pereoo e toru ahurn tanatini e e ono tauatini hoi mau taata faahoro pnaa-horo-fenua, ma te apee-atoa-hia'tu e te mau taata mai te one tahatai ra te rahi, o tei haere ana'e mai e tama'i i to Iseraela. E no taua tama'i nei, aita roa'tu to Iseraela i ineine, no reira, ua horo ana'e atura ratou e tapuni haere i roto i te mau ana, no to ratou ra ri'ari'a rahi, i te ite raa'tu i te mau Philiseti i te haere raa mai, ua tapu-niatoa'tura te tahi pae na roto i te mau uru raau, e na nia atoa i te mau mou'a, e rave rahi atoa hoi tei horo mai ia Saula no te tauturu.

Aréa râ, aita roa'tu Samuela i tapuni noa'e mai te vetahi ra mau taata, no te mea, ua ite oia e, te tauturu nei te Atua ia'na i to'na mau haerea. Ei taua taimé tama'i ra, o Saula ia te faatere e te upoo no taua nuu Iseraela nei, e aita roa hoi Samuela i haere noa'tu e farerei ia'na i te haamataraa o teie nei tama'i.

E mai te au hoi i to taua nunaa Iseraela nei horo raa mai ia Saula no te ani raa i te tauturu, aita roa'tu Saula i taa noa'e i te ohipa e rave. E no to'na hoi apî i te faatere-raa i taua nunaa nei, aita roa oia faaineine noa'e ia'na iho no te tama'i raa. E ua mana'o ihora oia e, mai te mea, e pûpû ta taitai tahi te mau taata i ta ratou ra mau tusia i te Atua ra, e riro ia te Atua i te faaora ia'na e to'na ra nunaa taata i roto i te rima o te mau Philiseti. O te mau peropheta ana'e ia e te feia toro'a o te Ekalesia tei farii i taua pûpû raa tusia nei. Teie râ, aita roa e tia i te mau huru taata atoa ia pûpû i te tusia, o te mau tahu'a e te mau orometua ana'e ia e to Ekalesia te tia ia na reira. E ua ite hoi Saula e, mai to'na apî raa mai e tae noa'tu i to'na ra paari raa i Iseraela, i te pen e te huru haamoriraa ta ratou e rave.

Noa'tura i te reira, e taata faaoromai ore roa Saula, e te mātā'u ore hoi. Ei taua taime ra, aita roa oia i taiā noa'e i te mea e, tei reira iho o Samuela, no te pûpû atu i te tusia i te Atua, mai te tiaturi atoa'tu e, e tau'i atu Oia i te e'a o te Philiseti. Tera râ, ua ite atoa oia e, e ere ia te reira i te mea tia ia'na iho ia pûpû atu i te tusia, no te mea e ere hoi oia i te tahu'a, noa'tura i te reira, e Arii ihoa ia oia, e mai te au hoi i to'na ra ite raa i te mau pen a te Arii, aita roa'tu oia i faaoromai, e ua rave ihora mai te au i ta'na i hinaaro, e na pûpû ihora i ta'na iho tusia, a rea râ o te faahapa rahi ia te reira i te ture a te Atua.

Ei taua taime ihoa a oti ai te fata a Saula, ua tae mai Samuela ia'na. E i to teie peropheta ite raa'tu i te ohipa i ravehia e teie arii, na riri roa ihora oia, e na na ô atura oia. "Ua rave oe i te hoê ohipa maamaa, e aita hoi oe i haapao i te mau ture a te Fatu, o to tatou Atua. E teie nei e ore hoi to oe basileia e vai noa. no te mea, aita oe i haapao i Ta'na ra mau ture". I reira ihoa, na parau atoa'tu Samuela e, e faarne te Atua ia oe, e e maiti faahou atu Oia i te tahi atu â no te mono atu i to oe ra terono. E no

te rei
ana,
i to'n
oia e

i to'n
atu i
o to'n
i te m
ua ha
piti.

o tei
hana
Phili
ra.

taata
Phili
i te o
nei to
e Ion
ana'e
ra i t
te ite
anei

ihora
iho u
taata
na i
ra te
hoi i
hi ai
mai

te reira, ua inoino roa'era Saula no te mana i mau hia e ana, mai te mana'o atoa e, e tia ia'na ia rave noa mai te au i to'n iho hinaaro, i teie nei râ, ua ite ihora oia, aita roa'tu oia e faatiahia ia pûpû atoa'tu i te tusia.

I reira, ua faarue atura Samuela ia Saula i pihai iho i to'na ra mau taata, inaha, ua faaineine ihora no te tama'i atu i te Philiseti. Ua haaputuputu ihora te arii i te mau taata o to'na ra basileia, e tuu atura i roto i te nuu, e horoa'tura i te mauhaa tama'i, e tono atura ia ratou e tama'i. Inaha, ua haamata ihora taua tama'i, no'na mahana e na rui e piti.

E tamaiti itoitiroa hoi ta Saula o Ionatana to'na i'oa, o tei tama'i atoa na te pae o to'na ra metua. I te hoê mahana, ua horo atura oia ana'e iho i te puhapa o te mau Philiseti, e haamata ihora i te tama'i atu i te tahi o ratou ra. E taparahi atoa'tura e piti ahuru o to ratou ra mau taata. E i te faaroo raa hoi te tahi pae puhapa e te mau Philiseti i taua ohipa nei, ua horo ana'e maira ratou e hi'o i te ohipa e tupu ra. Ua mana'o ihora ratou te haere mai nei to ratou ra mau enemi e haru ia raton, ma te ite ore hoi e Ionatana ana'e teie e tama'i nei ia ratou. I reira, ua iriti ana'e atura ratou i ta ratou mau o'e, e haamata ana'e atura i te tama'i i te taata matamua e horo mai ia ratou ra, ma te ite ore hoi e, o vai ra ta ratou e tama'i atu, o to ratou anei mau hea, e aore râ, to ratou ra mau enemi. I muri ihora, ua ite ihora ratou e e tama'i noa nei ratou i to ratou iho mau taata ma te ite ore. E no te reira, e rave rahi mau taata tei taparahi hia. E na rahi a'e ia te reira, i ta Ionatana i taparahi. E no reira, ua oaoa roa ihora oia no to'na ra tere i rotopu i to ratou ra mau puhapa. E ma te ite raa hoi i te hoê ravea no te tapuni atu, i te taime ratou i taparahi ai ia ratou iho, ua hoi maira Ionatana i to'na ihora puhapa mai te peapea ore.

Inaha, ua haere maira Samuela ia Saula e ua na ô maira ia'na e, teie te opua raa a te Atua, ia harn atu to Iseraela ia Amaleka, e ia haamou hoi ia ratou, e ta ratou ra mau animala, e ta ratou atoa ra hoi mau faufaa, ia ore ia faahereherehia. E o te ati Amaleka ia te nunaa taata tei tama'i atu to Iseraela, i to ratou ra haere raa mai i rapae au ia Aiphiti. No reira, i teie nei, te tahoo nei te Atua ia ratou, ma te parau atu ia Saula ia harn e ia tama'i atu hoi ia ratou ra.

Ei taua taime ra, ua tama'i ihora te nuu o Saula i te ati Amaleka, area râ, aita te arii i pee atoa'tu i te mau faaue-ra ta te Fatu i faane maira ia'na. E taua nunaa nei, te vai ra ta ratou mau faaapu animala, mai te puaatoro, e te mamoe hoi, e aita hoi Saula i ite i te tumu no to ratou ra taparahiraa i taua mau animala nei, noa'tu i te reira, ua faaue maira te Atua ia na reira hia. Ua mana'o ihora oia e, eaha te hooraa maitai roa ta te arii e rave mai te mea e rave oia i te ture a te arii Amaleka ra, e afai atu i to'na ra tiahaapa e faaite atu i to'na ra nunaa. E no reira, ua faufaa ore roa ihora Saula, e hinaaro ihora i te haamaitairaa a te mau taata ra, mai te mana'oraa e, e riro ihoa ia ei haamaitai raa na'na. E i reira, ua faaherehere ihora oia i te mau puaatoro e te mau mamoe, e i to'na ra hoi ite raa i te arii, tei ore i taparahi ia'na, ua tuu atura ia'na i roto i te fare tapea-raa.

E to Saula hoi ho'iraa ia Samuela ra, ua ite ihora te peropheta e, ua haapao ore te arii i te mau faaue raa a te Atua i te hoê taime. E ua ani atura oia ia Saula ua rave anei oe mai tei faauehia mai ia oe ra, ua na ô atura oia e ua na reira van. Area râ, ua ite maitai Samuela i te ohipa i tupu mai te au i ta'na i faaroo i te oto raa puaatoro e te mamoe o ta Saula i rave mai mai to'na ra enemi. Ua na ô atura Samuela, Eaha ra hoi teie nei umeeraa mamoe, e teie

nei oto raa puaatoro o ta'u e faaroo nei? Eaha hoi oe i ore ai i haapao i te reo o te Fatu?

Ua imi ihora Saula i te hoê ravea, ua na ô atura oia e ua afai mai au i teie mau animala no te pûpû raa'tu i te tusia i te Fatu ra. Inaha, riri tano ihora Samuela. E mea ino hoi ia Saula ia haamoe i te haapaoraa i te faaue raa, area râ no te tamata i te faaafaro i ta'na ra hara, ua riro ia ei hara rahi roa.

E i taua taime ra, ua haapii ihora Samuela ia Saula i te tahi mau haapii raa faufaa rahi roa. Ua na ô atura oia e, "Tei te tusia taauahi e te mau tusia atoa to Iehova maururu mai tei te faaroo i te parau a Iehova ra? Inaha e maitai rahi tei te haapao i te tusia, e maitai rahi tei te toâhua mamoe oni ra."

Ua parau atoa'tura oia i taua arii nei e, ua faïto atoa te faaroo ore i te hara a te hi'ohi'o, e te mârô i te haamori idolo ra; e tena na, ua faarue oe i te parau a Iehova ra ua faarue atoa Iehova ia oe eiaha oe ei arii."

E mea nahea to Saula maamaa raa na roto i to'na ra haapao ore-raa i te Atua. E tia hoi ia'na ia faatere noa ei arii i nia ia Iseraela, e ta'na ra tamaiti paari e nehehehe ia ia'na ia mau atu i to'na ra terono i muri a'e ia'na. E ahiri oia i haapao i ta te Atua i ani mai ia'na, e haamaitai mai ihoa ia oia ia'na. Area râ, no to'na etaeta, e te patoitoi i te hinaaro o te Fatu, e te rave raa hoi i ta'na iho e hinaaro, ua ere roa ihora oia i taua mau mea ra. Area râ i teie nei, ua iriti ihora te Atua ia'na mai nia i to'na ra terono, e tuu fatho'i atura i te hoê no te faatere raa e no te mono raa hoi ia'na.

Papaihia, Tahakura Hutihuti

Te Mau Haapiiraa No Te Avâe Tiurai

TE PARAIMERE

Irava tamau aau na te PARAIMERE:

"E faaroo i to outou mau aratai, e auraro atu outou; te faaitoito ra hoi ratou i to outou mau varua." (Mataio 11:17)
I roto i te avae Tiurai ra e feruri i nia iho i te faaturaraa i te mau orometua haapii.

Pupu 1 (I raro i te 4 no to ratou matahiti)

Hebedoma 1: To tatou mau hoa here: Ioane 4:3-19

Hebedoma 2: Te hoê taata maitai no Samaria. Luka 10:29-37

Hebedoma 3: To Iesu aroha Mareko 2:1-12

Hebedoma 4: Te tauturu e te oaoa. Luka 15:11-24

Pupu 2 (5-6 matahiti)

Hebedoma 1: Te haavare ore

Hebedoma 2: Te mana'o tia

Hebedoma 3: Te mau horoaraa mai

Hebedoma 4: Te tiaturiraa i te mahana Sabati

Pupu 3: (7-8 matahiti)

Hebedoma 1: Te tinô maitai. Daniela pene 1

Hebedoma 2: To tatou Feia Tupuna (Pionniere)
 Himene "Tau Feia E"

NA TE OROMETUA: E mea tia roa ia faarahihia te oaoa i te faatereraa i teie nei haapiiraa na roto i te raveraa i te mau hoho'a tei papaihia i roto i te buka "Te Mau Aamu Hoho'a No te Ekalesia."
 Te vai nei te reira mau buka i te Fare Orometua, e te hoochia nei te reira no te moni ra e 30 farane. Mai te mea te vai ra te reira mau buka i roto i te rima o te mau tamarii e tia ia ia faariihia te

ohipa na roto i te peniraa i te hoho'a o te Hiero i Navu i te api 17- e te hoho'a o te tiahiaraahia o te mau taata i rapae i Navu, i nia i te api 18.

Hebedoma 3: Te taeraa o te Feia Mo'a i te Faa ra.

Hebedoma 4: Te haapaoraa: Ioane 9:2: Ioane 9:7
I Nephi pene 1 e te 2.

Pupu 4 e te 5 (9-12 matahiti)

Hebedoma 1: Te Hiroa Faaroo numera 8 te mau parau no nia i te Buka a Moromona: Hi'o atoa i roto i te buka
"Te Mau Aamu hoho'a no te Ekalesia.

Hebedoma 2: Te hiroa faaroo numera 8 te mau tai'oraa no roto mai i te Buka a Moromona: I Nephi 7:16-20; I Nephi 16:9-11; 17:17-18; 17:48-55; e te Arama pene 56 e te pene 57.

Hebedoma 3: Hi'opoaraa no nia i te Hiroa Faaroo mai te numera hoê e tae roa'tu i te numera vau. Eiaha tei taa ia outou?

Hebedoma 4: Hiroa faaroo numera 9. Te Heheuraa Mataio 16:16-18.

TE HAAPIIRAA SABATI

Te parau Haamana'oraa Oro'a.

A haapue i te tao'a na outou i nia i te ra'i, eiaha i teie nei ao, te vahi hoi i vaiihohia'i ta outou tao'a ra, e riro atoa i reira to outou aau

Pupu 1 (I raro i te ono o to raton matahiti)

Haapiiraa mana'ohia e te orometua

Pupu 2 (8-9 matahiti)

Hebedoma 1. O Korihora, te Aneti Mesia:
Alama pene 30, e a tai'o atoa i te pene 16

Hebedoma 2: Amona, tei te faafariu mai i te hoê arii: Alama pene 16 e te 18: 1-41

Hebedoma 3: Te mau hotu o to Amona pororaa i te Evanelia Alama pene 18:42-43; e te pene 20.

Hebedoma 4: O Aarona, O te Ore Roa e Tuu Alama pene 21:1-15; 22:1-26; 23:1-8

Hebedoma 5: Ia riro te hi'oraa ei ohipa oaoa.

Pupu 3: (10-12 matahiti)

Hebedoma 1: Gideona, te taata haehaa. Te mau Tavana pene 6, 7, e te pene 8 irava 22

Hebedoma 2: Samasona, Te aito rahi paruparu Te mau Tavana Pene 13 e tae noa'tu i te pene 16

Hebdoma 3: Ruta, Te tamahine Aito Moabi Ra Te buka a Ruta ra.

Hebedoma 4: O Eli, Te tahu'a rahi 1 Samuela 1:13; 2:12-17, 2:22-36; 1 Samuela 4:1-18; e te pene 5:6

Hebepoma 5: Ia riro te hi'opoaraa ei ohipa oaoa

Pupu 4: (13-15 matahi) No roto mai i te buka "Ta Iesu i Haapii"

Pupu 5: (16-19 matahiti) No roto mai i te Hiroa faaroo.

Pupu 6: (20-25 matahiti) No roto mai i te Hiroa Faaroo

Pupu 7: (Te Feia paari) No roto mai i te buka "Poe Ta'oa Rahi".

TE MAU TUAHINE

E haapii te mau Tuahine i te parau no nia i te buka a Moromona mai te au i te mau haapiiraa i haaponohia'tu.

Te parau tumu na te mau tuahine no te ava'e Tiurai: "*O Ta Oe ehaapono atu, e ho'i ia ia oe, e faaho'ihia; e tena na na, na te parau ra, e faahoiraa, e faahapa maite i te taata hara, e ore roa oia e faatiahia e ho'e iti a'e.*" Alama 41:15

TE FEIA API

Te parau tai'o na te Feia Api: *Aore hoi au i haama i te evanelia a te Metia ra, no te mea o te mana ia o te Atua ia ora tei faaroo ra: Te Ati Iuda na e te Hereni atoa hoi.*" Roma 1:16

Pupu 1 (I raro i te 12 matahiti) Te mau aamu no roto mai I te parau tuatapapa no te Ekalesia.

Pupu 2 (13-16 matahiti) Te haapiiraa Scouts

Pupu 3 (17-25 matahiti) Te haapiiraa no nia i te Buka a Moromona mai tei haaponohia'tu ia outou.

Pupu 4 (Feia paari) Haapii no nia i te PARAU TUATA-PAPARAA NO IOSEPHA SEMITA. (A haapii outou i te hoê pene i roto i te hebedoma hoê

TE AUTAHU'ARAA

Te haapiiraa na te mau haapii hahaere: Hiroa Faaroo N^o 7: Te faaroo nei matou i te parau êê, te tohu, te heheuraa parau, te orama, te faaoraraa i te ma'i e te iritiraa i te parau êê. Mau parau tauturu i roto i te mau irava parau api 2, e te faahcoraraa tei mua mai. Hi'o maitai i te reira e tatara mai i te mau mea tei au i to outou mana'o.

Te mau haapiiraa na to te Autahu'araa:

Hebedoma 1: E tae ma te raveraa umerehia e te mae-erehia. Isaia 29:13-14 Apokalupo 14:6-7
Amosa 3:7

Hebedoma 2: Te taeraa mai o te buka a Moromona II Nephi 27:16; Isaia 29:13-14

Hebedoma 3: Te Buka a Moromona ei faaite no te Mesia Nephi 27:16; Isaia 29:13-14

Hebedoma 4: Te parau noa mai nei te Atua i ta'na mau tamarii atoa, i te mau tau e te mau fenua atoa. Ioane 10:16; III 15:11-24

Hebedoma 5: Ei Hi'opoaraa no nia i te mau haapiiraa no teie avae.

LA BRANCHE FRANCAISE

“LE TEMOINAGE DU MARTYR”

Jeudi, le 27 juin 1844, fut un jour de tristesse pour l'Eglise de Jésus-Christ des Saints des Derniers Jours. Depuis que le jeune prophète avait eu la première vision dans le bosquet sacré presque un quart de siècle avait passé. Il y avait à peine 21 ans que l'ange Moroni lui était apparu pour la première fois. Il n'y avait que quatorze ans que l'Eglise de Jésus-Christ des Saints des Derniers Jours avait été organisée. Cependant combien avait été accompli pendant ces quelques années! Et aussi combien la persécution qui avait poursuivi le prophète et ses adeptes avait été sévère! Du jour où le prophète divulgua le fait qu'il avait vu une vision, il n'avait pour ainsi dire pas eu un moment de paix. Il avait été traîné en cour près d'une cinquantaine de fois, par le seul témoignage d'hommes qui auraient dû eux-mêmes être condamnés par la loi. Il avait été honteusement jeté en prison et avait enduré toutes les indignités d'un commun félon. Cependant bien que les cours leur fissent payer plus qu'une amende raisonnable pour les soi-disant offenses dont ils étaient accusés, dans chaque cas, on dut leur rendre la liberté en les reconnaissant innocents. On ne pouvait retenir aucune charge contre eux. Mais maintenant, à la fin, la haine de ses ennemis eut le dessus. Le jeudi, 27 juin 1844, le prophète Joseph Smith et son frère le patriache, Hyrum Smith, furent attaqués par une foule et tués dans la chambre du haut de la vieille prison de Carthage, Illinois, U.S.A. On ne peut trouver dans l'histoire moderne du monde religieux, un acte de violence plus fragrant que celui à laquelle cette foule s'est portée et qui entraîna la mort brutale et prématurée de Joseph Smith.

De même qu'avec le pauvre Nazaréen, la loi se serait lavée les mains du cas de l'humble prophète américain, car elle trouva le prophète être un homme innocent et pure d'offenses; mais la foule sans loi ne voulait pas le reconnaître. Ils rejetèrent les décisions des cours. Ils se révoltèrent contre la molle autorité du chef exécutif de l'état. La scène finale du drame de la Restauration est une scène de violence et de meurtre. Elle prit place un peu avant le coucher du soleil de cette journée mouvementée du 27 juin, 1844. Fidèle aux menaces proférées; fidèle aux déterminations prises; fidèle à la haine amère, bien qu'injuste, qui avait été élevée autour du prophète une foule délirante et sans loi se précipita sur la prison de Carthage pour remplir ses prédictions de violence. Lorsqu'ils s'enfuirent précipitemment dans les bois quelques minutes plus tard, terrifiés par l'étendue de leur propre brutalité, ils avaient accompli leur résolution meurtrière. Le prophète, Joseph Smith, et le patriarche, Hyrum Smith, étaient morts.

Trois points sont clairement manifestes: premièrement le Prophète et le Patriarche furent brutalement attaqués et assassinés, sans une cause justifiable; deuxièmement, le prophète connaissait d'avance, par l'esprit d'inspiration, qu'il allait à une mort violente; troisièmement, en vue de la mort violente qu'il savait venir à lui, le prophète se montra sans peur, montrant une confiance entière en la justice de sa cause. Alors que ses ennemis jurés essayaient de le détruire, il montra la preuve, par son courage et sa virilité par son humilité et sa droiture, par sa dévotion inébranlable à sa cause, qu'il était bien loin d'être en faute, et qu'il était en effet un prophète du Dieu vivant. Avant qu'il soit pris en prison, plusieurs des officiers des troupes de Carthage, curieux de voir le Prophète vinrent lui rendre visite à l'auberge. Le prophète leur demanda si son apparence indiquait un homme désespéré comme ceux qui le diffamaient le

représentaient.

Les visiteurs répliquèrent: "Non, monsieur, votre apparence indiquerait le contraire, Général Smith, mais nous ne pouvons pas voir ce qui est dans votre coeur ni quelles sont vos intentions."

"C'est vrai, messieurs, répliqua le Prophète, vous ne pouvez voir ce qui est dans mon coeur et vous êtes ainsi incapables de me juger ou de juger de mes intentions; mais je peux voir ce qu'il y a dans vos coeurs, et je vous dirai ce que je vois. Je peux vous dire que vous avez soif de sang et rien que mon sang vous satisfera. Ce n'est pas pour un crime que mes amis et moi sommes ainsi poursuivis et persécutés par nos ennemis, mais il y a d'autres motifs, et j'en ai exprimé quelques-uns, de ceux qui me touchent; et vu votre soif de sang ainsi que celle du peuple, je prophétise que vous serez témoins de scènes sanglantes qui vous satisferont entièrement. Vos âmes seront rassasiées de sang et beaucoup d'entre vous qui sont présents auront l'occasion de faire face à la bouche du canon de sources auxquelles vous ne vous attendez pas; et ceux qui désirent tant le mal pour mon frère et moi seront pleins de regret et d'affliction à cause des scènes de désolation et de détresse qui les attendent. Ils chercheront la paix et ne pourront la trouver. Messieurs, vous trouverez que ce que je vous ai dit est vrai."

Les événements des deux jours suivants prouvèrent que la déclaration du Prophète concernant ce qui était dans le coeur de ses visiteurs était vrai. Et les visiteurs n'eurent pas longtemps à vivre avant de voir les prédictions que le Prophète avait faites au nom du Seigneur, se remplir terriblement. Le coeur de beaucoup d'entre eux fut déchiré à la vue des scènes de détresse et de désolations dont ils furent témoins avant d'être pris eux-mêmes.

Par l'Ancien J P. Widtsoe

(Traduit par Juliette Cardon)

(A suivre: "Le Martyre de Joseph Smith")

PARAU RII API Te Amuiraa I Tahaa

I te mahana, 7 no Eperela, ua tomohia te fare pure-raa apî na te Ekalesia a Iesu Mesia i te Feia Mo'a i te Mau Mahana Hopea Nei, i nia i te fenua ra o Tahaa. Ua fatata mai taua fare nei i na oire Pahure e Patio, e ua patuhia ia i nia iho i te hoê aivi i ropu mau i taua na vahi ra. No te nehenehe o taua vahi ra e no te mea hoi ua riro te reira ei haamana'oraa i te hoê aivi i faaitohia i roto i te Buka a Moromona no reira topahia'tura te i'oa o CUMORA i nia iho i taua fare nei, e te amaa atoa hoi i reira.

Na te tavana hau o Raiatea i paoti i te ripine o tei tamau i na opani i roto i taua fare ra, tomo atura pia i roto, pee noa hia a'era e te mau taata e i roa'e taua fare apî nei.

E piti hanere pae ahuru taata tei tomo i roto e te faaroo noa ra te tahi hanere tiahapa i rapae i pihaiho i te mau haamaramarama.

Na Elita peresideni Missioni i faatomo i taua fare nei na roto i te hoê pure i te Atua, e na te mau taata atoa i arue atu ia'na na roto i te mau himene haamaitairaa. Ua a'o atoa mai o Teheiura Teriipaia e o Tehotoata Haapairai i te tahi na a'oraa evanelia e tae roa'tu i te tuatapaparaa o te hamaniraa o taua fare nei.

Ua haamatahia te fare na roto i te heruraa i te feuna ite 15 no Setepa 1955, ua tuuhia te ofai tihi i te 19 no Tenuare i te matahiti 1956, e ua faaotihia taua fare nei i te 6 no Eperela i te matahiti 1956. To'na faito e 60 avae te roa, 20 avae te aano, e 14 avae to'na teitei.

Na muri a'e i te tomoraa fare i te mahana maa ra, ua faaterehia te hoê tamaaraa rahi i raro a'e i te amaa apî o Cumora. Ua faaineinehia te hoê vahi tamaaraa i raro a'e i te mārû no te hoê tapoiraa, e ua faaamu-maitai-hia te mau

taata e raverahi, oia hoi e 500 taata tei amn i te puaa, te moa, te faraoa, te oura miti, te oura pape, te tahi atu â mau maa maitatai. Ua tamaa atoa te Tavana e te mau taata faatere hau e ua mauuru roa ratou no te reira.

I te mahana Sabati ra, ua faaterehia te hoê bapezitoraa i te poipoi, e te tahi pureraa apooraa no te mau taata faatere no te anna ra o Cumora e o Uturoa. Na te peresideni Misioni i faatere te pureraa i te hora ahuru e te afa, e te tahi pureraa a'oraa evanelia i te avatea, e te po atoa hoi. E rave rahi te mau a'oraa maitai o tei a'ohia mai i roto i taua na amuiraa ra, e ua mauuru roa te mau taata o tei tae mai.

Ua ori atoa te feia apî i roto i te hoê ori raa i te po mahana maa râ, area ra, ua hinaaro atoa ratou i te ori faahou i te po monire, e na roto i te aniraa'tu i te pupu guitare, ua faatia ratou, e ua ori fahou hia i taua po monire ra. Ua riro taua na oriraa ra, ei ohipa maitai i mua i te mau taata atoa ra no te mea, ua hiopoa-maitai-hia te reira, e aita te hoê taata taero e te puhipuhi avaava i faatiahia ia haere mai i roto i taua na oriraa ra.

TO TATOU AMUIRAA I PAPEETE

“Ei haapaoraa ra oe na tei faaroo ra, i te parau, i te haerea, i te aroha, i te huru o te aan, i te faaroo, i te viivii ore.” 1 Timoteo 4:12.

“Ia maitai roa hoi ontou mai to ontou Metua i te ao ra e maitai roa ra.” Mataio 5:48.

O te reira ia ta tatou parau tumu no ta tatou Amuiraa Eperera i Papeete nei. I roto i te mau putuputuraa o te Amuiraa ua tuuhia mai te mau a'oraa o tei faaite mai, ia tatou ta tai tahi, e nahea taton i te riro atu ei hoho'a na vetahi ê ra e mea tia roa na taton, te mau feia mo'a i ônei, i nia i te mau motu e tae noa'tu i roto i te mau Misioni a te Ekalesia i te ao nei, ia riro tatou ei mau hoho'a maitai no te Evanelia mau a Iesu Mesia tei faahoi-faahou-hia mai.

Ua haamata te amuiraa i te po mahana pae, te 6 no Epererè, i te hora 7 e te afa. E no te riroraa te reira mahana haamana'oraa i te 126 o te matahiti mai te faatupu-faahou-raahia o te Ekalesia, ua tuuhia mai ia te mau a'oraa no nia i te parau tuatapapa o te Ekalesia i roto i teie nei mau fenna moana ra. I roto i te reira pureraa ua faariihia hoi te mau melo faatere o te Ekalesia atoa, to te Missioni nei e tae noa'tu i te mau melo faatere no te Amaa i Tahiti nei. Na te pûpû himene a vahinerii i faatere mai i te mau himene.

I te po mahana maa ua faaterehia te hoê oriraa rahi tei parauhia "Te Oriraa Matie e te Piru" na riro te reira oriraa o te hoê o te mau oriraa maitai tei faaterehia i roto i teie nei Missioni. Anê te nehenehe o te mau faaunauaraa tei tuuhia e ati noa'e te fare putuputuraa. Ua maitihia e piti Arii vahine e e piti atoa hoi arii tane, no teie nei oriraa, mai te au hoi i to ratou tutavaraa i te mau ohipa i horoahia na ratou i roto i to ratou iho mau Amaa, e ua riro teie toro'a Arii vahine, e te toro'a Arii tane, ei utu'a maitai na ratou o tei haapao e o tei rave tamau noa i te ohipa maitai ra. Teie ia to ratou mau i'oa: o Mlle. MAHANA a MOO e o BARFF MARITERAGI, no te Amaa Tahiti i Papeete nei; e o Mlle. STELLA TUTAMARU e o TEKEHU TINIRAU no te Amaa Farani i Papeete nei. Ua horoahia, na ratou, te tahi mau Buka Himene e te vetahi atu mau tao'a aroha no to ratou itoito rahi. E mea maitai te faata'iraa upaupa e te ohipa rahi faahiahia o taua po ra, oia hoi te oriraa ia tei orihia mai e to ratou mau tamahine tei haere mai te 11 e tae noa'tu i te 14 o te matahiti. Ua faaterehia te reira oriraa e Janet Christensen. Ua rave rahi te mau taata no rapae mai i te Ekalesia tei haere mai i taua oriraa ra e ua marunru roa ratou no to ratou haereraa mai.

I te mahana Sabati ua faaterehia na pureraa e maha. Ua i roa te fare pureraa no te rahiraa o te mau taata i tae mai. Ua himene maira te pūpū himene a Vero Christensen e na au roa hoi ta ratou mau himene, Te pureraa i taua pô ra, ua tuuhia ia i roto i te rima o te Paraimere e te Feia Apî. Ua farii na tamabine e hoê ahuru e hoê tamaroa i ta ratou parau fariiraa ê ua haere ratou i mua e ua fariihia te tahi pae o ratou i roto i te pūpū Scouts S. D. J. Pūpū 1, e te raatira rahi e to'na ra na tauturu. Mai ta outou i ite a'enei, ua haamata te Ekalesia i te faatupu i te hoê pūpū Scout i roto i te faatereraa a te Feia Apî. Te rave maitai nei te man tamaroa, e te mau tamarii tamabine, i ta ratou mau tufaa e te itoitoe nei hoi ratou i roto i ta ratou ra ohipa. Te tiaturi nei au e, eita te reira faatereraa e ore, e vai noa ra te reira ei ohipa tumu i roto i te faatereraa a te Feia Apî.

E haamahorahoraraa nebenehe tei ravelia i roto i te vahi i mua o te fare pureraa no te faahaamana'oraa ia tatou i ta tatou parau tumu, oia hoi, na hoho'a e toru no na taata e toru tei riro ei hoho'a rahi a'e tei ora i nia i te fenua nei... o Iesu Mesia, o Iosepha Semita e o Davita O. Make. Ua ora teie nei na taata faahiahia too toru i te oraraa nebenehe roa e e mea tia roa ia riro to ratou oraraa ei faaururaa i te mau Feia Mo'a Mau. A haamata faahou ana'e tatou i te haere faahou i mua, i te tamataraa ia ora i te hoê oraraa maitai e ia riro noa tatou ei mau hi'oraa maitai no to tatou mau hoa no rapae i te Faaroo nei e tae noa'tu hoi no to tatou iho mau utuafare ra.

Ia haamaitai atu tatou i to tatou Metua i te ao ra no te mau haamaitairaa Ta'na i horoa mai na tatou. Ia haamaitai-noa-hia outou e te Atua, o ta matou nei ia pure i te mau taima atoa. No reira, a faaitoitoe outou i roto i te ohipa a te Fatu e tae roa'tu i te taima e farerei faahou atu ai tatou, i roto i te i'oa o te Mesia, i to tatou Amuiraa Rahi i te ava'e Setepa i Papeete nei.